

Headline **Tekanan emosi dorong memberontak**
Date **29 Apr 2011**
MediaTitle **Berita Harian**
Section **Nasional**
Journalist **N/A**
Frequency **Daily**
Circ / Read **192,982 / 1,521,000**

Language **Malay**
Page No **39**
Article Size **148 cm²**
Color **Black/white**
ADValue **4,192**
PRValue **12,575**



Tekanan emosi dorong memberontak

SIKAP suka memberontak di kalangan kanak-kanak banyak berkait rapat dengan soal emosi dan tekanan daripada pihak sekeliling.

Mereka sering memberontak untuk mendapatkan apa saja kehendak mengikut naluri mereka.

Sifat ingin memberontak ini mempengaruhi ibu bapa supaya memenuhi kehendak mereka. Penderaan adalah antara punca terjadinya sifat memberontak di kalangan kanak-kanak.

Penderaan secara fizikal dan mental amat mempengaruhi tindakan mereka ketika dalam proses pembesaran dan perkembangan mental anak-anak.

Penderaan terhadap kanak-kanak secara fizikal dan mental memerlukan tempoh masa jangka panjang untuk dipulihkan.

Kanak-kanak yang didera biasanya disakiti orang di sekeliling seperti ahli keluarga sendiri.

Kanak-kanak sering dijadikan mangsa disebabkan mereka masih kecil dan lemah. Tindakan mereka ini menyebabkan gangguan dalam tumbesaran dan perkembangan personaliti kanak-kanak terbabit.

Maka sikap suka memberontak sering dizahirkan untuk mendapat perhatian sekeliling juga dalam menuruti setiap kehendak mereka.

Oleh itu, perubahan ting-

kah laku seperti kemurungan, keresahan atau pengasingan diri dari masyarakat sekeliling oleh kanak-kanak terbabit membawa kesan berpanjangan serta kesan negatif hingga ke tempoh matang mereka.

Kes penderaan yang berleluasa dalam era urbanisasi ini semakin meningkat dan menjadi-jadi.

Sebagai contoh, berita kematian seorang kanak-kanak berumur tujuh tahun yang didera dan dibelasah teruk hingga meninggal dunia sebulan lalu amat mengejutkan masyarakat dan diklasifikasikan sebagai kejam dan tidak berhati perut.

Kanak-kanak ini didera tanpa belas kasihan juga tan-

pa sebarang alasan munasabah. Hal ini menunjukkan gejala penderaan semakin tidak terkawal disebabkan arus permodenan yang mengeneppikan soal agama dan prinsip moral yang sejak dulu lagi dipraktikkan.

Oleh itu, peranan ibu bapa sangat dititikberatkan dalam mendidik anak-anak agar mereka dididik dengan penuh kasih sayang dan berpadu-pada dalam mengikut kehendak mereka berdasarkan didikan agama yang teguh berserta didikan moral yang tinggi.

AZIERAH HANI ISMAIL,
*Universiti Utara Malaysia
Sintok, Kedah.*